


Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1440 4° copy 2









Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1440 4° copy 2





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1440 4° copy 2





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1440 4° copy 2


35,-167,-4°

LN 1440

ex. 2













# EPICEDIVM

IN OBITVM SERENISSI-

mi Potentissimiq; principis Christi-

ani Tertij Daniæ. &c.

Regis.

CVI ADIVNCTVM EST CAR-

men gratulatorium de victoria Ditmar-

sica ad illustrissimum Regis Chris-

tiani filium Regem Fri-

dericum secun-

dum.

Item.

HISTORIA DE CORONATI-

one eiusdem illustrissimi Regis Frideris-

ci versibus heroicis conscripta.

Autore.

Iohanne Sasceride Vuarmenhufano.

IMPRESSA HAFNIÆ

Apud Christophorum

Barth.

1559.



AD CANDIDVM LECTOREM

de encomiaste Regio Sasceride collega  
suo Petri Parui Rosefontani  
tetrastichon.

/u Ne fieri credas frustra, laudatier illum  
Quod cernis Regem, qui probitate nitet ;  
Virtutem Regis laudans, laudare datorem  
Virtutis summum creditur ille Deum,





AD ILLVSTRISSIMVM PRINCE

pem Daniae &c. Regem D. Fridericum

Secundum, Dominum suum  
clementissimum.

**M**Aius ab æthereo munus vix mittitur axe,  
Quam Rex iusticiam cum pietate colens.  
Eius ad exemplum totus fit iustior orbis,  
Eius in imperio stat pietatis honos &  
Ille ornamentum terris, is pace clientes  
Recreat, & vera religione beat.  
Virtutem ergo, pater tuus illustrissime princeps  
Qua nituit, duxi grande, tacere, nefas.  
Et potius duris placet obstrepuisse camoenis,  
Quam Regis tanti non doluisse necem.  
Lenius est crimen tenuem se prodere vatem,  
Quam Domino gratum non satis esse suo.  
Quæso meum facili percurras mente laborem,  
Nec nimis ad nauios lynceus esse velis.  
Inuenies illic magni præconia patris,  
Forssitan & quæ te saepe relecta iuuent.  
Inuenies vitam, quam tutus ubiq; sequaris:  
Felix quem virtus patris ad astra vocat.  
Non peregrina procul tibi sunt exempla petenda,  
Te docet en recte vivere vita patris.  
Euge lubens imitare patris vestigia natus,  
Pacemq; subiectos, & pietate iuuat.  
Te quoq; sic placidus regat, ac tua gesta secundet,  
Peperitq; velit laude nitere Deus.

S. T. M.

Subditus obsequentis.  
Iohannes Salscerides.



EPICEDIVM IN OBITVM SERE-  
nissimi & potentissimi Danicæ &c. Regis Christis-  
ni Tertij, qui pñssime quieuit in Domino  
primo die Anno.

1559.

**L**Vgubris ah uenit, quam formidauimus, hora:  
Eheu, mors tristis quo tua tela iacis?  
Scilicet hic etiam superum furis excita iussu,  
Dum reliquum cæco lumen ab orbe rapis?  
Que tam sæua Dei placidum cor impulit ira?  
Cur adeo is trepidis vulnera dura ferit?  
Hei mihi, quam tristis gentem premit ultio fontem,  
Dum fugit instantem læua timere Deum?  
Nam fletura suis viduari regna monarchis,  
Ob culpam populi pagina sacra docet.  
Culpa trahit mala quæq, Deo teterrima culpa,  
Quam simul is refugit, nil nisi pœna manet.  
Omniaq, in præceptis, cum non Deus illa serena  
Recreat intuitus fronte, creata ruunt.  
Ah, cur tam tarde conuersi quærimus illum?  
Cur quid, præter eum, dulce putare iuuat?  
Quin potius digno sese expiat ipse dolore,  
Christumq, exorat quisq, paratus opem?  
Id quia fit nusq, sed pergimus vsq, prophano  
Corde patrare nefas, negligimusq, Deum,  
Hinc furit illius cunctis in gentibus ira,  
Hinc passim nutat Regia trunca caput.  
Hinc etiam nobis (casum dixisse nefandum  
Horreo) Rex obiit, par cui nullus erat.

Proo



32  
Promite pierides lachrymas, proferte querelas,  
Lugubreque humenti fundite ab ore melos.  
Plangent laurigeri communi in clade poetæ,  
Tristia nam vester fata patronus obijt.  
Plangat doctiloque plæbs nata vacare Minervæ,  
Et quibus est verbum cura sonare Dei.  
Cessit enim terra, superaſque migravit ad arces,  
Qui verè columen religionis erat.  
Et per quem Christi doctrinam habet ultimus orbis,  
Ut, quo vix radios sol iacit, illa micet.  
Vos quoque coniunctim ciues per danica rura,  
Quos mouit studium pacis, & alma quies,  
Iam procul amotis epulis, fastuque prophano  
Plangite luctifica pectora nuda manu.  
Rex etenim & vita referens, ut nomine Christum,  
Sub quo securæ copia pacis erat,  
Sub quo fortune quoque munera larga fluebant,  
Rex viduam abcedens ille reliquit humum.  
Imprimis inopes, patrisque e finibus acti  
Plangite sublatum nocte, dieque patrem.  
Quid multis opus est? sectum quicumque per orbem  
Christiadum sacri dogmata fontis amant,  
Seu fuerint humili de plebe, ducesue potentes,  
Eximium doleant occubuisse caput.  
Eius enim sancta dulcis concordia cura  
Ritibus in sacris, dogmatibusque fuit.  
Danorum id pariter populosa per oppida constat,  
Id memor auxilij Saxonis ora probat.  
Nec minus hoc ultro prædices Misnia clamat,  
Præsto ubi si pedibus non fuit, ore fuit.

A iij

Exemplo



Exemplo saltem lucente perutile sanxit  
Pacis, quod seruet, foedus, vterq; status.  
Pacis & ostenso studio labentia solus  
Fulsit in extremo saecula nostra malo.  
Me miserum, quam nunc celerabunt illa ruinam,  
Si poterunt ferri mole relictæ suæ  
Horribilem certe minitantur pendula casum,  
Cernis enim passim tristia bella fore.  
Fallor: an & veterum terrent nos carmina vatum,  
Qui fore iam clades concinere graues  
Quando & fatidicis dixere hos versibus annos,  
In quibus a quouis sint metuenda mala.  
Iamq; tremas id adesse, novos orbata monarchas  
Cum tanta hic illic poscere regna vides.  
Terreor imprimis, hominum dum turpia specto  
Crimina, quæ nunq; linquit inulta Deus.  
At pater omnipotens inopum miserere tuorum,  
Poenitet ah leges transilisse tuas.  
Nec tua nequicq; duris vindicta minatur:  
Parce, precamur enim supplice mente, pñs.  
Reproba quid faciat, iam noli querere, turba,  
Quam sat apud manes aspera poena manet.  
Afflictis animis commissa piacula flemus  
Nos saltem, populus, quem tua verba mouent.  
Accensam nos iure tuam trepidamus ad iram,  
Funera nos Regis flemus acerba pñ.  
Qui licet haud vllò describi carmine possit  
Ex merito, vates vt Linus ipse foret.  
Nos tamen, exhibite moti pietatis amore,  
Cogimur ex multis dicere pauca bonis,  
Claraq;

Anno sc.  
caueat sibi  
omnis ho-  
mo.

1503



3  
Claraq̃, quę dedit, acta, forisq̃, domiq̃, referre  
(Redditur Heroi hęc gratia iure) libet.  
Sis Deus auxilio, nec nostrum hunc desere nisum:  
Te cano nunc etiam, dum tua dona cano.  
Nunc age sim gratus, magnasq̃ exponere laudes  
Egregij digno principis ore queam.  
Si genus illius Lector studiose requiris,  
Non est ex humili, Regibus ortus avis.  
Quin etiam Reges antiqua in stirpe fuerunt  
Ex Oldenburge finibus armigerę.  
Id probat & Saxo Vuedekindus & eius ab alto  
Sanguine progenitus qui Regebertus erat.  
At post eximjs atavi virtutibus omnes  
Halsaticę terrę pręnituerę duces.  
Dum dux Daniaco Fridericus Rege creatus,  
Fœlici & Rex post ipse creandus atq̃,  
1503 Progenuit, cuius canimus pręconia, Regem,  
(Annis in hoc sæclo tertius ille fuit)  
Mater eum partu venerabilis edidit Anna  
Orta electorum stemmate Marchiadum.  
Natum solliciti primæuo in flore parentes  
Moribus, & studijs excoluere bonis.  
Idq̃ opera Vuolfgange tua successit, & arte,  
Tanta tibi siquidem tradita cura fuit.  
Vnde etiam factus post cancellarius, illi  
Sublimi officio consociatus eras.  
Quando gubernaras teneros prius illius annos,  
Ingenuo instillans omnia recta duci.  
Sic neq̃ fastus eum, neq̃ dira superbia mouit,  
Quę plerumq̃ solet pectora celsa sequi.

Sed



Sed facilem semper se præbuit, atq; benignum  
Cui libet, abiectæ qui quoq; sortis erat.  
Nec fugit ciuis thalamos ornare iugales  
Accedens inopis, largaq; dona ferens.  
Imprimis agilis puer otia lenta cauebat,  
Membra exercitijs limpidiora petens.  
Iamq; adeo celeri iuuenum frustrabat inanem  
Conatum, ventis ocyor ipse fuga:  
Iam concurrentes protensa cominus hasta  
Deturbabat equo fortior ipse eques.  
Hæcce frequentantem iuuenem florentibus annis  
Fertilibus diues Marchia vidit agris.  
Clarus vbi elector Ioachimus auunculus eius  
Sceptra vacillantis munijt imperij.  
Huius enim emissus famosa vixit in aula,  
Virtutesq; viri cernere iussus erat.  
Vnde etiam fausto comitatur deinde petentem  
Vuormatię celebris moenia celsa pede.  
Annos octodecim tum natus ephēbus, vt alti  
Carolus imperij nomen, onusq; tulit:  
Quando palam instructo diuinitus ore Lutherus  
Vera fatebatur dogmata iussus ibi.  
Turbati procures illum tacuisse volebant,  
Prę reliquis iram Carolus ipse fouet.  
Infantemq; Dei famulum proscribit inique:  
Cur adeo papę Carole diue faues?  
Dux autem iuuenis cor nõndum affectibus atris  
Præclusum, quos dat ruga senilis, habens,  
Haurit ibi furtim diuine semina lucis,  
Quę cito & exerescunt vberē iacta solo.

Quod



10 4  
Quod Manachus quoq; clamat ibi, dum verba peros  
Mystica detento surgere fune nequit: (rans  
At minus insanum, peregrinos edere gestus,  
Et iuuenis, decuit, sollicitare iecur.  
Idq; ducem terrere quidem, non lædere vero,  
Cæsari enim placido sistitur inde, potest.  
Ast vbi Marchiaca dein e regione recessit,  
Patria q; Holsaticæ tecta reuisit humi:  
Aggreditur mira iuuenis pietate parentem,  
Quæ secum attulerat, pura docere sacra. *magis docet*  
Et nouus Æneas gestando horrentibus illum  
Eripuit tenebris, in quibus orbis erat.  
Nec pater indocili Fredericus corde disert  
Contempsit iuuenis grande ministerium.  
Sed cito permotus patria in dirione doceri  
Dogma renascentis curat Euangelij.  
Quoq; magis pietas excreveret orta, peritos  
Aduocat, vt spargant semina sancta, viros.  
Misit Iohannem celebris Goslaria Stauum,  
Holsatico vt sereret verba salutis agro.  
Iamq; pio sudore viri seges extitit ingens,  
Et pressæ vepres occulere caput.  
Cum Deus applausu grato ad maiora vocauit  
Munia spectatum sedulitate ducem.  
Exul enim occiduas vbi Rex accesserat vires,  
Danorum proceres te Friderice legunt.  
In te quandoquidem virtus heroica fullit,  
Quæ mouit proceres vt tibi sceptrâ darent  
Ergo statim turmas equitum, peditumq; cohortes  
Extitit ingentes cogere cura tibi.

B

Iamq;



Pacis amans senior præficus ipse ducem.

Quatuor is viridis tum lustra exegerat æui,

Cum iustus forti est regna domare manu.

1524. Nec mora, rostrata transit freta balthica classe,

Tecq̃ adit æquories Haphnia cincta vadis.

Atq; resistentes electi principis armis

Tristifica ciues obsidione premit.

Nec potuere ducem tam fortem arcere, sed ipsi

Urbs rursus decimo mense coacta patet.

Victor eam læto tunc occupat ille triumpho,

Aduocat & patrem, quo diedema ferat,

die Epipha. **Qui simul aduenit, regniq; accepit habenas,**

Ipsē quieturus patria rura petit.

fuam Spartam, quam iure tulisset

Exornare parat legibus, atq; fide.

& foeminei decus admirabile sexu

Duxit Saxonico stemmate Dorothea

Regina suis post clementissima facta est,

Et cum Rege pio vixit & ipsa pie:

ec in hunc patriæ communem lapsa

Lachrymat, heu, summo nunc viduata viro.

tamen foelix, humanaq; fata triumphans,

Heroinarum nobile viue decus.

oblita ynq̃ cessabit Dania nomen

Non vnq̃ natos tot celebrare tuos

non vñq̃ natos tot excedunt  
nec pio siquidem peperisti pignora

Quorum posteritas nomen ad astra feret

a tibi primo foeliciter edita partu

Creuit, & est magnis pulchra p

Obtain



Obtinuit vero septemuir Saxo cupitam,  
Inq̃ suam vinctus duxit amore thorum.  
Deinde duci Regem Fridericum gratior vxor,  
Qui patris excipiat sceptrā relicta, paris.  
Viue diu, fausteq̃ & tu mitissime princeps,  
Et rege victrici regna paterna manu.  
Sit Deus, ô, tecum, tuq̃ omnia dirigat acta,  
Et tecum vera nos pietate beet.  
Patrem imitare libens, patris ad vestigia regna,  
Nec dubito, saluum teq̃, tuosue voles. 4  
Interea, quanq̃ Holsatica Dux otia terra  
Coniuge cum chara pacis alumnus agit,  
Quæ tamen in toto Fridericus lucida Regno  
Acta pater vera pro pietate gerit,  
Non minus ad nati spectare videntur honorem,  
Cuius ea instinctu cæpta fuere pio.  
Per natum pater edoctus veracia passim  
Erigi, & extingui dogmata falsa iubet.  
Sic magis, atq̃ magis lucem Hadder sleuia spirat,  
Et secum e tenebris oppida iuncta leuat.  
Sic etiam Ripæ, sic lucis Othonia sensu  
Emicat, & veras Haphnia discit opes.  
133. Verum vbi lux radios ea capit spargere, morte  
Deferit, heu, pulchrum Rex Fridericus opus.  
Illiusq̃ fluens gelido de corpore sanguis  
Ciuiibus orbatis horrida bella notat.  
Nec fuit id frustra, nam tristia protinus arma  
Christophorus veteri clarus ab arce mouet.  
Nec minus orbatis infensi sæua minantur  
Bella Lubecenses, Christophorumq̃ iuuant.

B ij

Dani



Dani ibi, dux fate Rege, quia hos vir fortis in hostes  
Emittendus erat, sceptrum dedere tibi,  
Nec subito nimis illa tibi tu missa putabas.  
Arripienda tumens ambitione leui,  
Sed vix adductus causis urgentibus, ampla  
Tutari surgis regna paterna manu,  
) Quando tibi & regni proceres, & Danica virtus  
Venit opemq; manu bellipotente tulit,  
) Holsaticisq; suas coniunxit amica cohortes,  
Et studuit placitum fida iuvare ducem.  
Nam multæ hoc Regnum firmant ornantq; columnæ  
Maiorum insignes nobilitate viri.  
Qui simul & leges defuncto Rege tueri,  
Cuiq; relicta velint reddere sceptrum queunt.  
Quippe viros hos non armat modo bellica virtus,  
Quæ toto quondam sparsit in orbe minas,  
At magis exornat rerum experientia doctos,  
Et sapiens animus, consilijq; decus.  
Quare ubi Christophorus peditum duo millia ducens,  
Meierusq; ferox ciue Lubeca tuo,  
Non ex more prius missis fecialibus, arces  
Holsatiæ capiunt, & populantur agros.  
) Tum princeps iuste sumptis fortissimus armis  
Tritonium rursus, te quoq; Othina capit.  
) Tergaq; vertentem sequitur non eminus hostem  
Ad muros properans alta Lubeca tuos.  
At comes interea, Tramundæ classe reperta,  
Selandos intrat depopulator agros.  
Et subito Haphniacæ conspectus territat urbem,  
Captivq; subit nomine Regis eam.

Tu



Tu Regi electo vires Meiere superbe  
 Nequicq̃ opponis, dum Deus armat eum.  
 Trañciens itaq̃ Holsatica cum pube Trauenum  
 Clade Lubecenses afficit, atq̃ fugat.  
 Nec praxe obstantem potuere excindere pontem,  
 Verum & ea forti sunt data praeda duci.  
 Quin ad Slucopium quoq̃ diuitis vr̃bis adeptus  
 Gaudet opes, & cum nauibus arma capit.  
 Territa tum pacem venit exorare Lubeca,  
 Quam quoq̃ supplicibus non grauis ille dedit.  
 Nec minus &, capto si quid pro Rege valerent,  
 Concedit, quoniam spes Deus eius erat.  
 535. Ergo reuertentem non ægre Cimbrica tota  
 Suscipit, & Regem prædicat esse suum.  
 Rumpere nec potuit Clementis factio naute  
 Consilium, voluit quod Deus esse ratum.  
 Verum vbi progressum sibi moesta Phionia vidit  
 Asnizum Holsatica surripuisse manu  
 Haphnia deseritur, surgitq̃ amor omnibus idem  
 Lecti terrificas frangere Regis opes,  
 Sed nihil absq̃ Deo cedit feliciter, ille  
 Cui tribuit regnum, tollere nemo potest.  
 Quare vbi committunt lauo impia praelia Marte,  
 Otius obstantem contremuere Deum.  
 Fulminaq̃ attoniti subito iaculantis ab alto  
 Axe per Holsaticas ingemuere manus.  
 Protinus omne simul Danorum vulgus, & omnis  
 Christophoro miles cum duce Saxo fugit.  
 Cuius & e sociis duo Teccelnburgius alter,  
 Alter Heus, comites ambo, obiere necem.

B iij

Stat



1537.  
Stat quoq; nemo tuis de ciuibus alta Lubeca,  
Contra propositum dum geris arma Dei.

Sed fugiunt, partimq; aspersi vulnere membra  
Tardantur, partim tristia fata trahunt.

Ponite, se sapitis, iam victi ponite saltem  
Bella, magis duos ne grauis ira premat.

Ah mentem leuitas que cæcis fascinat: vltra  
Conspecto fugitis subdere colla Deo:

Non bene defendet, cellis licet, Haphnia, muris,  
Quos domini fontes vltio dura manet.

Nam profugis postq; trepidantibus illa receptis,  
Arcuit Oppolitis vectibus ægra ducem,

*2<sup>a</sup> obfessio* Ipse sequens urbem victricibus obsidet armis,  
Sollicitatq; fame mensibus octodecim.

1536. Interea & Vuarbergensem simul occupat arcem  
Nec Meiere tibi tutum erat isse foras.

Quattuor in partes, neq; præter iura, secaris:  
Supplicio tanto crimina digna tuo:

Turbaras misero tu cum Textore Lubecam,  
Cui similem inflixit Brema seuera necem.

Porro vbi dura fames portas aperire coegit  
Haphniam, & admissio dedere cuncta duci,

Ciuihus is, meritis licet asperiora, pepercit,  
Et vitam victis, & bona salua dedit.

Et cum Christophorus sit supplex, ante tametsi  
Præstantem tumido spreuerat ore ducem,

Ipse tamen deuictum animis ingentibus hostem  
Incolumem ad patrios iussit abire lares.

Nec minus hac meruit Rex mansuetudine laudis,  
Quam virtute, micans qua fera regna domat.

Ergo



Ergo statim grato procures diademate Regi  
Constituunt altum condecorare caput.

1537. Conuenere duces, inter quos prussicus heros,

Et Lunēburge, & Meglopolensis erat.

Nec minus ipsa etiam legatos oppida mittunt  
Vandalico ad nostrum nomine iuncta mare.

Tuq̃ ibi præclaro rutilam Pomerane Coronam  
Regi ter foelix imposuisse potes.

Ergo tuum nomen magno cum principe viuet,  
Dum decus erectę religionis erit.

Hinc decet, vt quantum firmata Ecclesia Regi,  
Publicus & Regni debeat ordo canam.

Quęso Deus vires inopi tu suggere vati :

Te sine res digne tanta sonare nequit.

Ille Coronatus, rerumq̃ potitus habenis,

Continuo verę rem pietatis agit.

Omnibus & populis mendacia demere sacra

Cogitat, atq̃ horum reddere vera loco.

Non auri tantum studium, vlliusue metalli,

Quod vena passim diuite terra tegit,

Quantum erat eximio Regi cæleste per oras

Imperium cupidis restituisse p̃is.

Ergo statim cunctas lux ibat maior ad vrbes,

Agnouitq̃ suum Dania secta Deum.

Scaniaq̃ inde fide placidum, & Selandia Christum,

Et cum Lalandis Phalstria rite colit.

Abijcit, & victrix, aboletq̃, Phionia, diri

Sacra libens, etiam Iutia tota Papę.

Nec minus & Regis cura Nortuegia Lucem

Cernit, at huic bellum tu quid Olæ moues ?

Sed



1512  
17  
4  
1512  
Sed fugis haud sero poenam locuplete sacerdos  
Cum gaza, doctis dans meliora locum  
Tum quoq; stricta gelu tenebras Islandia demum  
Liquit, & amplexa est Rege iubente Deum  
Et quia, posteritas vt dogmata pura sequatur,  
Cum recte instruitur, sola iuuenta facit:  
, Imprimis renouare scholas, reuocareq; musas  
Digna pio Regi sollicitudo fuit.  
Namq; iterum, bellis immanibus Haphnia quassa,  
Nudaq; pieris flebat, vt ante, bonis.  
Nunc vero oranti Regi sua pignora mittit  
Vuittenberga graues officiosa viros.  
Inter eos clari Bugenhagius, atq; sacrorum  
Palladius princeps, & Machabeus erant.  
Quos etiam senior Medicus precesserat ille,  
Qui celebre a Christi nomine nomen habet.  
Paulinus quoq; adest, qui te Roschildia cano  
Nunc regit, & cupidis prelegit ore senex.  
Non reticendus ihs comes & Senningius ibat:  
Nec refugis nostram tu Tilemanne scholam.  
His successerunt, per quos nunc Haphnia floret.  
Quos etiam dicet tempore Musa suo.  
Hos vocat, hos nutrit pater, his Cnardorpica rura  
Contribuit princeps libera munificus.  
Atq; hinc perpetuos Ecclesia Danica sperat  
Pastores, doceant qui sacra pura Dei.  
Hinc etiam esse potest florens Respublica semper:  
Erecta (en) peperit Rex bona tanta scholae.  
Quando, vt Euangelij cursus velocior esset,  
Nil vnq; obmisit Religionis amans.

Vnde



8

Vnde etiam Dana reddi sacra biblia lingua  
Curat, & hic largus perdere gaudet opes.  
Cum paucis ea visa forent, auditaq; nuper,  
Lecta pñs tenebras nunc pepulere graues.  
Nec minus & populo ciuilia commoda querit,  
Serio dum pacis commoda querit eis.  
Vnde lubens longi pertæsus pectora belli  
Cæsare cum placido fædera pacis inñt.  
) Ipseq; de leuibus non vnq; horrentia causis  
Mouit bella, neq; hic ambitiosus erat.  
) At leuum in reliquis etiam damnabat amorem  
Principibus belli tristia damna gemens.  
Bella nocent certe, bella odit rector olympi,  
Bellis & populi non bene tuta salus.  
) Nec nisi cogenti veniam hæc illata merentur:  
Cogitur is, quem vis, & male facta mouent.  
) Rex igitur quoniam bella horrida vitat, amorem  
Hunc Deus ostensa comprobat eius ope.  
) Dumq; studet paci, pacem reperire meretur,  
Et regnum florens cum pietate videt.  
) Vnde & vicinæ gentes heroa verentur  
Vt patrem, & fugiunt lædere quoq; modo.  
Sæpe quoq; externi petierunt munera pacis,  
Et facili Reges obtinuere via.  
Hinc superest aurum, quo lapsas erigat arces,  
Et faciem accipiat Dania tota nouam,  
Nec non mœchanicas quo passim exuscitet artes,  
Largoq; artifices a foris ore vocet.  
Nam coluisse suas externis artibus vrbes,  
Omnigenisq; bonis Regia cura fuit.

C

Hinc



Hinc varij affecti mox fabri & commoda regni  
Sperant, & regno commoda magna ferunt,  
Hinc & Iohannes, vt natus in axe, Sibenus  
Mira stelligerum reddidit arte polum.  
Illic occiduas inuita feruntur in vndas,  
Et tamen auroram tardius astra petunt.  
Cursum ibi concelerant directa, ibi sidera sistunt,  
Nec minus & curuum regrediuntur iter,  
Talia pacifico largitur munera Regi  
Multa Deus, vincit cætera cuncta tamen,  
Quod Regina duces hylari sua nomine, reque  
Magnum, & Iohannem, Dorotheamque parit.  
1542. Te Procères Frederice, patri vt succedere possis  
In Regni solium, patre probante, legunt.  
Sic iusto ad votum cesserunt omnia Regi,  
Sic bona cuncta potest dante videre Deo.  
Nec tamen illius tanto obliuiscitur vnq̃  
Successu lætus, vanaque corde fouet.  
Crux facit huc, morbusque grauis, quem pluribus annis  
Pertulit, & dextrum sensit adesse Deum.  
Ille suos dura premit omnes fasce, vetatque  
Gaudia securo pectore fluxa sequi.  
Cruxque pios diuersa domat, tete optime morbus  
Instruit at placitum Rex pietatis iter,  
Scilicet Ezechie quoque gesta hac patte sequentem,  
Cuius & in reliquis æmula vita tua est.  
Tu quoque de falsis expurgas cultibus aras  
Exemplo Ezechiae, tu quoque pacis amans.  
Tu precibus validis a morbo sepe leuaris:  
At non thesaurus visus ab hoste tuus.

Nec



12  
Nec tibi tu sisus ( non hinc nos punit ira  
Numinis ( id pietas tantane Regis amet  
Qui solum querenda Deum sibi gaudia ducit,  
Danteq; quicquid habet, se scit habere Deo  
Gratus ei studet esse, pñsq; benignus egenis,  
Imprimis quibus est cura docere Deum.  
58. Nuper adhuc sequidem miseris prodesse parabat  
Per tabulas illis, iunctaq; signa fauens.  
Constituitq; gravi decreto augenda ( vocatis  
Ad se pñsibus ) commoda pauperibus,  
Hospitibusq; vagis labentia publica tecta  
Nunc instaurari pñcipit ære suo.  
Pñcipit & sacris augere stipendia mystis,  
Pñsibusq; pñs, sicubi non sat habent.  
Atq; scholas etiam vult parua per oppida passim  
Erigi, & his largas addere mandat opes.  
Non referam, quanto pressos exoluerit omnes  
Iniuste studio, cum sit ubiq; palam.  
Nulli vel minimo grauis extitit, omnibus autem  
Expositus miti ceu pater ore fuit.  
O quoties viduas animo redeunte modestos  
Illius erectas vidimus ante pedes  
Iusticia, & pietas, mitisq; modestia Regis  
Non elegis digne sunt celebranda meis.  
Quum siquidem tenui nequeant splendere vena  
Pro meritis, reticet territa musa mea.  
Mane preces foribus clausis, & vespere semper  
Prostratus longo tempore fundit humi.  
Sacra die toto legit, hortaturq; fideles  
Serio munificum pangere sæpe Deum.

C ij

Ipse



10e  
Ipse etiam laudes a cæna rite canebat,  
Et grates animo dixit, & ore Deo.

10e 3  
Nec tam de morbi queritur grassante dolore,  
Quam solita tempus quod sine fruge terat.

Sæpe etiam sanctę petit ardua munera cæne,  
Excitat & famulos hac pietate suos.

Et quanq̃ regno sapienter præfuit heros,  
Cura tamen maior religionis erat.

Cumq̃ viris qui sacra sciunt de constituendo  
Rite ministerio contulit vsq̃ libens.

Deniq̃ quę gessit, digna omnia carmine gessit,  
Quęq̃ obiter dixit, plena fuere fide.

10e  
10e  
Fœlices medici, fortunatq̃ ministri,  
Quis licuit tanto semper adesse duci.

Fœlices omnes, quibus exaudire loquentem,  
Dulciaq̃ assidue verba notare datum est.

At miseri rursus, quos tam cito liquerit heros,  
Hei mihi, flenda etiam funera Regis erunt.

10e  
Nil hic perpetuum est, verum instar futilis vmbre  
Pernici aufugiunt optima quęq̃ pede.

10e  
Cuncta tremunt subiecta truci nascentia morti,  
Captiuosq̃ homines inuida parca tenet.

10e  
Quando igitur morbus, quo bis sex ille per annos  
Pressus erat, crescens fata minatur ei:

Non vltra bis quinq̃ dies victurus, ibi heros,  
Aptior vt cœli scandere possit iter,

Se testamento Domini confirmat, editq̃  
Credenti exhibitum corde, bibitq̃ Deum.

Et magis assuescit superis cœlestis & ipse  
Factus, & angelicis maxima cura choris.

Dicam



10  
Dicam etenim, neq̃ visa premam miracula Regi,  
Quaŋ ea vix capiet credere tardus homo:  
Nuncius en illi coelo demissus ab alto  
Astitit, & summum dixit adesse diem.  
Cumq̃ ait, incipiet nouus annus, desinet iste  
Morbus, & incipiet tum noua vita tibi.  
Talia dicta dedit, leuibusq̃ euauit auris,  
At non quę dederat dicta abiire simul.  
Ergo dies Rex ante decem predicere mortis  
Nouit, dum Medici non potuere, diem.  
Somnia, dicenti, sunt, quę Rex inclyte narras:  
Respondet non sunt somnia, visa loquor.  
Idq̃ iterat post sæpe, sibiq̃ fatetur eundem  
paulatim propius mortis adesse diem.  
Quare vbi deinde noui funestum, heu, prod̃t anni  
9. Principium (prohibe tu Deus omen atrox)  
Omnia sollicite, quę mortis postulat hora,  
Pręstat, & vt letho, se, properante, gerit,  
Serio enim culpamq̃ suam, tectasq̃ fideli  
Pectore te coram Paule fatetur opes.  
Teq̃ loquente sacro de nomine dulcis Iesu  
Percipiens animo gestit, alitq̃ fidem.  
Tumq̃ iterum sumit diuini pignus amoris,  
Coenęq̃ angelicę pabula lætus edit.  
Deinde, vt vterq̃ iubet sibi Cancellarius adsit  
Frisius, & barbes, multaq̃ mandat eis.  
13  
Consilijsq̃ suis pietatem, & Relligionem  
Iam quoq̃ promoueat semper, vt ante, monet.  
Omnia præcipue teneant decreta fideles,  
Quę de pauperibus fecerat, atq̃ scholis.

C iij

Nec



Nec defraudata tristes mercede ministros  
Dimittant, at herum Regem habuisse sciant.  
Deinde suam viduam quoq, pupillosq, tueri,  
Atq, iuuare bona conditione velint.  
Electo imprimis Friderico semper adesse  
Req, & consilijs, nec violare fidem.  
Dimissis his, vxorem solatur amatam,  
Et commendat eam per pia vota Deo.  
Et, lachrimis natos veniam cum poscere vidit,  
Imposita dextra fausta precatur ihs.  
Deinde, vale cunctis astantibus ordine dicto,  
Sublato, soli concinit, ore, Deo.  
Morteq, iam properante sacram Simeonis ad odam  
Sepe recurrit ouans pectore, spemq, nouat.  
Sic pius in Domino tandem Rex lumina clausit,  
Et regno gaudet nunc meliore fruens.  
Ille quidem gaudet, sed plebs orbata per omnes  
Luget eum terras, luget & hostis eum.  
Rex quoq, captiuus tantum haurit corde dolorem,  
Tarde vt submittat tabida membra neci.  
Nam clementer eum tractarat viuus, at cheu  
Nunc alio vitam degit in orbe iacens.  
Et licet occultes tu tristis Othonia corpus,  
Ipse tamen celso laudat in axe Deum.  
Ipse quidem foelix, qui Christum cernit in alto  
Aethere presentem, propiciuq, patrem:  
At nos ter miseri, quos tanto principe tristis  
Atropos orbarit, clade minante graui:  
Quippe ideo cito iustus obit testante lesæ  
Ne scelerum pœnas cum grege fonte luat.

Quare



11  
Quare ubi decessit Rex iam sanctissimus, instat  
Haud dubie nostris ultio sæua plagis.  
Sed pietas immensa Dei est, dum poenitet atri  
Flagitij miseros, parcit & ille libens.  
Corde nouo precor vnanimes intremus olympum,  
Fundamusq; pio lucida vota Deo.  
Se facilem sic ( ne dubitate ) precantibus ille  
Offeret, & poenas leniet vltro reis.  
Atq; pñ natum patris ad vestigia ducet,  
Et pacem trepidis, & bona quęq; dabit.  
Summe Deus nostros oculo clemente labores  
Aspice, nec rigidus crimina cuncta nota.  
Te prebe nobis placidum, tuęq; adhęce dona,  
Viuaq; longanimis collige membra tibi.  
Quo te cum Nato, sanctoq; in sæcula Flatu  
Possimus placitis concelebrare modis.

Finis.



AD SERENISSIMUM, AC ILLVS-  
triss. Principem Dominum FREDERICVM  
Danicæ, Noruegiæ, Sclauorum, & Gottorum  
Regem, ducem in Schleswig, Holfatia,  
Stormarn, & Ditmaria, comitem  
in Oldenburgo, & Delmen-  
horst &c. Dominum  
suum clemen-  
tiss.

De victoria Ditmarsica carmen  
gratulatorium.

**Q**uam Sol Memnoniis remeās fert lumē ab vndis.  
Dulce viatori, tarda qui nocte viarum  
Inscius errauit, tenebrasq; & frigora fleuit;  
Tam nobis Friderice tuus, luctuq; metuq;  
Discussio, lætus cantandi affudit amorem  
E bello reditus, deuictiq; hoste triumphus.

Pro te sollicitos trucis anceps alea Martis  
Terrebat modo, terrebat fortuna priorum,  
Et gentis virtus, & desperatio duplans  
Indomitis animos; verum te pronus ab alto  
vidit cunctipotens Deus, & suscepit olympo,  
Teq; suo veluti clipeo protexit amicus.

Ergo, vbi, consertis manibus, cum gente feroce  
Prælia fortis inis, omnemq; ad læta trophæa  
Tantas arte viam simul, & virtute coruscans,  
Iamq; hosti clam terga feris, fallisq; furentes,  
Iam læuos a fronte, & Marte inuadis aperto,

Cog.



Conspicuaq; micas virtute, & funera misces,  
Cogis inire fugam fessos, & vertere terga.

Quamq; etiam victis redit in præcordia virtus,  
) Nec tibi cum facili res hostie erat, omnia sed qui  
) Virtutum simul, & fraudum documenta probarint:  
) Plurimus inter eos, veluti tria corpora gestans,  
) Ac triplices animos, triplices in corpore vires  
Occultans, nequaq; ex vno concidit ictu,  
) Ter læto sternendus erat, velut Herculis olim  
Nec multis truncanda caput foetum ictibus hydra,  
Vix igni, sauoq; viri sudore repressa est.  
Tales ipsa etiam Ditmarsia terra gigantes  
Nutrierat, tales tibi prælia sæua mouebant  
Geriones, supera tantum virtute domandi.

Nec minus & struxere dolos, iamq; agmina fossis,  
Ferratisq; pedum laqueis hostilia campo  
Clam passim impositis, iam fumo necere querunt  
Pulueris accensi: quin & cum terga dederunt,  
Occultis latitant specubus, telisq; repellunt  
Victorem: verum insidijs tamen omnibus illis,  
Et magnis armati animis, & robore miro,  
Nil potuere tibi, tibi ventus, & vnda ministrat,  
Et tellus, & qui ventis ibi contra it, ignis  
Vel potius Deus ipse adest, elementaq; cuncta  
Sepositis cogit naturæ motibus illic  
Inseruire tibi, ac tumido aduersarier hosti.

Sic & aqua aufugit miseros, qua fidere semper  
Consuerant, & qua vano spem corde locarant.

Venti etiam, quamq; visî spirare secundi,  
Pulueris accensi tum fumos ecce retorquent

D

In clas



In cladem ipsorum, victosq; inimica fatigat  
Insidijs fortuna suis, laqueisq; premuntur  
A sese positis: in fossas, hostibus ipsi  
Quas fodere, cadunt. Deus utpote liquerat illos,  
Qui tibi pronus adest, tibi dextram viribus armat,  
Et lætos dat successus, punitq; rebelles:  
Cum iusta tantum de causa prælia tentes.

Nam patrium repetis ius, & periuria vindex  
Insequeris, fractamq; fidem, censumq; negatum.  
Utq; refrenetur damnosa licentia morum,  
Sæuitia in miseros, & scommata falsa, laboras,  
Mens etiam vlcisci proavos heroica suadet,  
Raptaq; maiorum toties vexilla reposcis.

Attamen & pacem clementior hostibus offers,  
Si tua sceptrum velint agnoscere, verum, ubi læuis  
Id fugiunt animis, patruo te iungis Adolpho,  
Et duci Iohanni, qui tecum armantur in hostem.  
Nec minus & victis tua lenis dextera parcit,  
Supplicibusq; libens vitam concedis, & omnes  
Alta Dei qui verba docent, in pace ministros  
Dimittis, tibi dum sese committere querunt:  
Nec sexus patere, aut ætas imbellis ut vsq;  
Militie duræ subeat mala, lædere tantum  
Acci nectos, armisq; habiles, dum pascitur ira,  
Dumq; pericla monent, sinis atro occumbere læto.  
Pacificis cunctis vitam, & bona salva relinquis,  
) Teq; probas nihil æque, ac plebis velle salutem.

Quæ tibi maiorem pariet clementia laudem  
Iusticiæq; decus, q̃ Mauors ipse cruentus,  
Quamuis adfuerit tibi, seq; ostenderit æquum.

Hinc



Hinc tua te plebs læta canit, Regemq; fatetur  
Cælitus exhibitum, sub quo pax grata vigeat,  
In quo celsa nitet sapientia, quiq; modestus  
Viribus haud proprijs, at solo numine fidis,  
Teq; Dei nutu scis debellasse superbos,  
Illiusq; timore humilis iam flecteris ultro  
Parcere subiectis, paciq; imponere morem,  
Patronoq; Deo iussas persolvere grates.

Euge hoc principio magnam spem ciuib; addis,  
Euge, Deo iam tecum & nos cantabimus hymnos,  
Qui tibi subsidio fuit, affulsitq; benignus,  
Et victo inuicto lætum dedit hoste triumphum.  
Ille mea semper musa celebrabitur, ille  
Munifica dat quæq; manu bona diues egenis.  
Absq; illo miseri sumus, & pulvisculus arens,  
Ast illo irrigui præsentem vigemus, ut arbor,  
Quæ viret ad lymphas folijs, fructuq; decora.

Tu quoq; Rex gaudes illo Frederice fauente,  
Subsidiumq; ferente: per illum hunc nactus honorem  
Et cantandus ades, patrium qd viceris hostem  
Vltus avos priscos, Regumq; ablata reducens  
Daniadum spolia, & delens opprobria gentis  
Holsaticę, quæ nuper ijs Ditmarsia victrix  
Obicere ore solet petulanti ignara futuri:  
Nunc probro tegit ora, tuis tu splendida victor  
Nomina restituis: tanta est mutatio sortis,  
Ne sit in humanis cuiq; fiducia rebus.

Ipse tuo princeps gladio, sceptroq; benignus  
Omnipotens adsit precor, ac te pace gubernet  
Ornatum foelice, tuoq; exaltet amicos

D ij

Imperio



Imperio populos, & consoletur egentes.

Rege bono gaudet plæbs, te Rex inclyte talem  
Speramus, simul & votis optamus amicis,  
Atq; huc nostrum etiam studium conuertimus, huc te  
Audaces, quanq̃ properantem sponte, vocamus,  
Hinc libuit quoq; sacra tuę cantare corone,  
Crassissq; e rerum notulis mysteria Regum  
Elicere, & sub honore tuo dare dogmata cunctis  
Principibus, populosq; vt honorent sceptrā, monere.  
Sis facilis precor, atq; manu mea scripta benigna  
Suscipe, & authorem tibi donum exile ferentem  
Blandus ama, numeroq; tuorum ascribe clientum.  
Sic rursus & pius ipse, cui sacra carmina cure,  
Cunctipotens tibi mittet opem, & rata vota piorum  
Pro te fusa, magis te curaturus, habebit.

T. S. M.

subditus addictissimus  
Iohannes Sacerides.



# DE CORONATIONE SERENIS-

simi, potentissimiq; Principis Domini Frederici secundi Daniæ & c.

Regis, Historica  
narratio.

**M**œsta pñ nuper defleui funera Regis:  
Nunc ipsi sceptro natum, rutulaq; Corona  
Substituam insignem, versoq; in gaudia luctu  
Mumeris authorem tanti celebrabo Monarcham  
Æthereum, nec non & nostri munia Regis,  
Iuraq; monstrato ritu, atq; insignibus ædam.

Summe Deus, tu qui mundum superante gubernas  
Ordine, quicq; homines, tibi quos placet, induis alta  
Maestrate tua, rectum vt defendere possint  
Armati, & punire piacula: iamq; paternum  
In solum nobis electum imponere Regem,  
Atq; minas abolere bonus dignare Satang,  
Succurras inopi precor, & super ardua vatem  
Perducas humilem, rerumq; arcana doceto,  
Teq; canam gratus quauis concedito sorte.  
Soli cuncta tibi debetur gloria, solum  
Te placide memores pacis, grateq; salutis  
Dicimus authorem, & meritos tibi pangimus hymnos

Disidia, & fera bella ferit, cedesq; cumentas  
Liuidus hic illic hostis, trepidisq; minatur  
Gentibus exitium, populisq; potentibus instans:  
Tu vero nobis merito Rex Christe canendus,  
Qui pius exhibeas pauidis sua vota, fidelem  
Consensum procerum, gratumq; in ciue per vrbes

D iij

Applaus



Applausum, dum legitimo Fredericus honore  
Rex vngendus adest, ita enim confidimus ipsum  
Te Regem fore, dum Regem das legibus illum,  
Qui tibi sit nostra ante vicarius ora videndus :  
Illi aderis vultu clemente domiq; forisq;  
Perq; illum tribues tua munera largus egenis.

Ipse etiam venit ecce tibi seruire paratus,  
Et rigidas maiore tui conamine leges  
Obseruare patris, quum nunc accesserit ætas,  
Ætatisq; comes sapientia, quumq; nitebit  
Officio propiore tibi dehinc iunctus, & abs te,  
Altariq; tuo se cernet habere Coronam,  
Ciuiibus vt bona quæq; tuo sub nomine præstet :  
Sponte sua præstabit ibi, quæcunq; requiris,  
Et laudata sui vestigia patris inibit.  
Tu modo sis dux fidus ei, tu dirige gressus  
Obuius, & fragiles cœlesti robore plantas  
Confirma iuueni, remoue q; obstantia saxa.

Nunc age Calliope memorandum concine festum  
Daniadis, quo Regem illorum insignibus altis  
Vestiet idq; manu sacri Deus ipse ministri  
Palladij, qui clara pie tibi Scania præsul  
Inseruit : Reuerende pater parere vocanti  
Surge Deo, gentiq; tuæ te cede ministrum :  
Nec fuge lassari, dum publica vota iuuabis.  
Vt quondam Samuel diuino vrgente, Propheta  
Tendebat, mandato, ad Bethlehemitica tecta,  
Fundebatq; agilis spirantia balsama flauum  
In caput electi Dauidis, eumq; Monarcham  
Constituit, per quem plebs Israelitica quouis

Teme



Tempore tuta foret, tumidosq; repelleret hostes.  
Te quoq; vox diuina, licet non cælitus, vrget,  
Seu concors procerum, quibus hæc commissa superne  
lulsio, siue tuæ coniuncta vocatio curæ.  
Qui siquidem resonante palam se prodidit olim  
Voce sua, Deus, en medijs nunc vtitur idem,  
Legitimisq; suis vult nos parere Ministris.  
Quare age, rumpe moras, diuinâq; perforce iussa.  
Postulat hoc Regnum, regniq; arcana doceri  
Flagitat ore tuo, tibiq; vni hunc vouit honorem.

Sed bene res habet, ipse precantibus annuis vltro,  
Dania nunc læta est, nunc Haphnia Regia sedes  
Iubilat, & Regi digne se præparat alto:  
Cingit vtrumq; forum tabulis, & mollit acutos  
Pulvere substrato silices, equitumq; futuris  
Magnorum certaminibus parat apta theatra.  
Suscipit & celsos properantes vndiq; fausti  
Principis ad spectacula duces, & honoribus horum  
Vnumquemq; suo dignis pro stemmate tractat.

Namq; vbi deuictis Ditmarsis, mænia gratus  
Haphniaca intrauit princeps, mansitq; coronam,  
Mater ei imprimis aderat cum fratre minore,  
Germanaq; innupta, vt nati augeret honorem,  
Quam patrui quoq; Iohannes, & fortis Adolphus  
Gestis præclare rebus læti ambo sequuntur,  
Ille sedens curru, hic vectus spumante caballo,  
Vulnere sanato iam, quo Ditmarsicus illum,  
Primo vbi bellator micat agmine, tinxerat ensis.  
Quin etiam iuuenis comes Oldenburgius vna  
Cum reliquis multis ornat Diademata Regis.

Inde



Inde Lubecenses, Hamburgensesq; decenter,  
Dantiscani etiam legati ex vrbibus altis  
Adueniunt, Regiq; nouum gratantur honorem.

Ipse quoq; Augustus Dux expectatus ab alto  
Regni concilio tandem dum venit, & Annam  
Vxorem, ac Magnum germanum adduxit, honore  
Regali excipitur, tota strepit vrbe triumphus,  
Innumeri occurrunt proceres, tormenta pauorem  
Nubibus incutiunt, sonituq; tonitrua reddunt.

Nec minus interea turba huc amplissima fluxit  
Nobilium Regni, quorum ipso corpore virtus  
Lucet, & e vultu praestantia pectoris exit.  
Lucet Iohannes Fries Cancellarius omnes  
Inter eos nunc & defuncti mole grauat us  
Barbæ: lucet quatuor pulcherimus ordo,  
Vigintiq; virum, qui Regem insignibus armant.

Tandem vbi paulatim venit memorabile festum  
Principibus cunctis aduectis, protinus inde  
Frondebis orbantur syluæ, spirantibus horti  
Floribus, ac totam fragrans odor occupat urbem,  
Ornanturq; domus, ornanturq; atria sacra  
præcipui templi, quod adest prope clara lycæa  
Pieridum, sacra virgo tuo de nomine dictum.  
Illud & arboreis, Paradisi, frondibus, instar,  
Purpureisq; rosis, alijsq; virentibus hærbis  
Depictum omnigenis prædulcem spargit odorem,  
Vt vel ea facie populum ad se cogere possit.  
Illic & passim depicta tapetia docte  
Sustinet hinc paries, atq; hinc cælatus vtrinq;  
Spectantum pastura oculos, animosq; labantes.

Nec



Nec minus hic varij generis quoq; musica doctis  
Organa docte instructa sonis, & vocibus adsunt  
Sua uiloquis aureis cras demulsura peritas.

Est locus excelsam iuxta sublimior aram,  
Omne pauimentum iam pulchra ubi veste relucet  
Molliter instratum, procures ut honestius astent  
Eximij, Regisq; sui tutentur honorem:  
Atq; hic ad dextram ( sacris ubi sella Ministris  
Ampla satis, iuxtaq; ornatior altera structa est,  
Quam Rector, dum festa monent solennia, noster  
Intrat ) serico adest flauo tentorium, & ostro  
Late conspicuum, quod Rex iam saepius intret,  
Ast in vicino post aram structa nitebat  
Cella nouis tabulis, ut ea dein auctus honore  
Permutare suum coopertus possit amictum.

Ad radicem aræ pro præsule sella locata est,  
Alteraq; inferius, quam stratum sericum adornat  
Flauum cum scamno, Rex ut tibi maxime supplex  
Christe futurus ibi pro Regis honore sederet.  
At circum cupidis pro spectatoribus alte  
Dependent nitidis tabularia nisa columnis.  
Cæteraq; ad tantum prius illic omnia festum  
Sunt instructa, futurum & pingunt Regis honorem.

Quare ubi grata dies exorto sole reluxit  
Bis decima Augusti, dum quinquagesimus annus,  
Nonusq; exactos post sesquimille, gradatim  
Transit ab in carnem descensu ex æthere Christi:  
Cum pater ante duos, vigintiq; inclytus annos,  
Et simul octo dies hoc præfulsisset honore:  
Filius en' celsa Fredericus ab arce decenter

E

Incedit



*Coronatio*

Incedit magnis retro stipatus, & ante  
Principibus, qui diuersis ex tractibus illum  
Inuisere, hos rauca tuba, & sub tympano acuta  
Tibia per latas deduxit rite plateas.

Ante ducem é regni veteris prudente senanu  
Præcessere viri senio, meritisq; verendi,  
Qui sacra gestabant vngendi insignia Regis,

Ancipitem gladium, sceptrum, malum, atq; Coronam,  
Ex auro puro multum rutulanti cuncta.

Crompius auratum gladium Marscalus habebat,

Auristellamis sceptrum, qui præsidet arci

Haphniacæ, massam Holgerus Rosocranzius auri,

Tu rutulam Regi præfers Edelherde Coronam,

Nam procerum es princeps, aulæq; vocare Magister.

Porro vbi depicti calcarunt limina templi,

Conscensis gradibus, summam quibus itur ad aram,

Subsistunt regni seniores, inq; parata

Regem sede locant, cum staret Heraldus vterq;

Velte retro in picta: mox progrediuntur, & omnes

Vnus post alium, quæ gestauere, sacrata

Deponunt ara, atq; Deo, qui præsidet aræ,

Regia sponte ferunt insignia, deinde placenti

Reddat vt ille duci manibus delata ministri.

Tum præsul, quem tanta volens ad munia faustū

Extulit omnipotens, tibi Scania pulchra minister

Iunctus Nicoleos, ibi quum candente sacerdos

Vestitus lino, linumq; tegente cucullo

Cum reliquis iuxta decoratum altare ministris

Indutis ipsiis alba quoq; veste decore

Sisteret, atq; arcana Deum per vota vocaret,

Aggrea



Aggreditur, fusiſq; iterum reuerenter ibidem  
Coram ſede ſua precibus, mox ſurgit, & omnes,  
Ad populum ſeſe conuertens, voce diſerta  
Commonet aſtantes, atq; hæc effatur ad aures:  
Eximij proceres, regniq; excelle ſenatus,  
Quotquot adeſtis & e populo iuuenefq; ſeneſq;  
Quandoquidem optato feſtum celebramus honore,  
) Quo nunc accipiet ſua Rex inſignia noſter:  
) Id vos præmonitos volo, danda hæc cælitus illi,  
) Non hominum tantum arbitrio: vidiftis & ipſi  
) Cuncta oblata Deo, ſacramq; illius ad aram  
Depoſita eſſe manu ſeniorum, nomine regni  
) Totius: vnde hodie cum ſit mihi legibus aræ  
) Commiſſum officium, lecto ipſum tradere Regi  
Ne dubitate Deum, quæ tradam ego rite miniſter.  
Nec ſit ludibrio cuiq; ceremonia noſtra,  
Quæ ſeruata diu priſcorum manſit ab æuo  
Traditione patrum, quoniam myſteria magna  
Continet, & populos clam, Regesq; inſtruit ipſos,  
Officijſq; ſui monet omne tenenda per æuum,  
Vt pariter clare, cum fiet quæq; docebo.  
Nunc precor, vt digne præſentia feſta colatis,  
Nec quiſq; admittat petulans, quod lumina lædat  
Semper aperta Dei, dum nobis munera tanta  
Præbuit, & pulſo cumulauit gaudia luctu.  
Læta equidem non damno tamen conuiuia triſtis,  
Idq; ſuo celebrata loco, cum tempora poſcunt,  
Vt iam, quando Deus nos exhylarauit amice  
Rege dato, per quem nobis volet ipſe præſſe,  
Sed ſemper merito petulantum crimina damno  
E ij Lege



Lege etiam damnata Dei, verboq; seüero,  
Quin studio pietas nunc est maiore colenda,  
Reddendæq; Deo pro summo munere grates,  
Nunc memori de corde preces mittantur Olympo,  
Perq; pios gemitus oretur, vt adsit egenis,  
Atq; nouum faustis Regem successibus armet  
Omnipotens, clemensq; Deus, cui sidera parent.  
Nam duo traduntur, per quæ sint omnia ad vsum  
Sanctificata p̃s, verbum, atq; precatio vera.  
Nos Regem vncturi verbo lucente iuuamur,  
Quod clare testetur, eum diuinitus vngi,  
Quanq̃ hominis manu, & huic parendū lege superna,  
Legitime quisquis regnat, legesq; tuetur.  
Idq; e scripturis mox percipietis & ipsi.  
Nunc orate Deum, sublimi vt mitis ab axe  
Respiciat, nostriq; habeat rata muneris acta,  
Foelicemq; fauens nostris conatibus addat  
Euentum, & Regem diuino extollat honore.

Dixerat hæc p̃sul, monitiq; exinde ministri  
Doctor Iohannes scheldorpius, atq; Magister  
Nicoleos, Regi qui tradit iussa salutis,  
Verba legunt populo, quæ scripsit Apostolus olim  
Romanis, cum iussit eos parere Monarchis,  
Mucronemq; timere, Deus quem tradidit illis  
Ipse malos punire, bonos defendere mandans.  
Nec minus & quæ Petrus ait: cum præcipit omnes  
Regibus, & ducibus subiectos esse superne  
Emissis, tanq̃ Domino, qui lucet in illis,  
Et libertatem peccandi vt nemo sequatur.  
Lecta hæc Palladius magis explicat omnia plebi

Denuo



Denuo, & æthereo ciuilia scepra placere,  
Muniriq; Deo per sacra oracula monstrat.

Tandem iterum precibus monet instent, ipseq; flexis  
Ad populum versus genibus voce orat aperta,  
Quæ Christus docuit, verba, & sic præuius inquit:

Oratio ) O Pater ô vera nobis Deus addite flamma

omi- ) Per Christum, qui templa colis radiantia coeli,

ica. ) Lucidus appareto tuis, passimq; relata

Clarescant tua verba, cadant mendacia falsa:

Spiritu item regnato tuo sub pectore nostro,

Nosq; tui similes rursus efficiamur imago:

Quæq; tibi sunt grata, alacri præstemus amore,

Sicut apud superos tua sit properata voluntas,

Da quoq; præsentis vitæ quæ postulat vsus,

Quotidie, neq; sæua diu nos turbet egestas.

Crimina, quæ proni committimus, illa remitte

Lenior, vt fratrum neq; nos delicta libramus:

Nec nos tentari sine, tentatosq; sub orcum

Ire tenebrosum, culpamq; admittere menti:

Sed Satane disperde dolum, nosq; illius abs te

Cassibus erepti nitidum scandamus olympum.

Tu potes, est regnum, est rerum tibi summa potestas,

Est diuinus honos, hinc moti dicimus, Amen.

Finita tali prece, surgit iturus ad Aram,

Et simul hanc prædulcem incedens intonat odam:

Spiritus alme Veni, reple pia corda tuorum,

Veni ) Et flammis illa vre tuis, & amore paterno,

S. f. ) Qui varias gentes varijs accersere linguis,

Vnanimiq; paras tibi sistere mente nouatos.

Et mox; mitte tuum flatum, nouaq; omnia fient

E iij Protis



Protinus, atq; tuo tellus renouabitur ore.  
Da recte flatu cuncti sapiamus eodem,  
Ac tua fac nobis recreent solatia mentem,  
Per Christum dominum nostrum, fidumq; patronum.

Inchoat hec p̄sul, simul ante altare precatur  
Prostratus, donec chorus ore excepta perito  
Finierat, sella erectus tunc ille resedit.

Idq; vbi viderunt proceres, regniq; senatus  
Confurgunt, certoq; adeunt altaria gressu,  
Et sellam adducti Frederici corpore cingunt,  
Et ducis ostendunt habitu, coramq; sacro  
Sistunt altari : tum Cancellarius altus  
Rite assurgenti sibi fatur talia myste  
Daniaca orator lingua : Reuerende sacerdos,  
Et pater, hunc Regem Fredericum coelitus esse

Oratio  
Cancellarij

Donatum nobis agnoscimus, atq; fatemur,  
Qui patris excipiat laudati sceptrā relicta,  
Cuius & excellens pietas, & dextera foelix  
Poscit, vti natum, quem spes est iusta, paterna  
Virtute insignem fore, fortunaq; sequente,  
Substituamus ei : Regni consensus hoc optat  
Vnanimis, tantoq; Deum pro munere grati  
Nobis propitium lætis extollimus hymnis,  
Cuius & officium est vnus, tradere Regem  
Foelicem, nec honos mortali is conuenit vlli.  
Quare etiam altari memores insignia sacro  
Tradidimus cuncta, inq; manum donauimus illi.  
Iamq; adeo petimus totius nomine Regni,  
Seruus vti Christi tu, Christi nomine, Regi  
Nostro huic electo delata insignia tradas,

Et Res



Et Regem ( quod faustum ipsi sit, & utile nobis  
Omnibus ) hunc populo declares ritibus altis.

Dixerat hæc senior, retulit cum talia præsul :

Eximij proceres, regni generose senatus,  
Quando tantopere hæc lati me nomine regni  
Pascitis, & vobis ego quoduis debeo semper  
Subditus officium, nequaquam vestra petita  
Tam pia reiſciam, sed enim parebo libenter,  
Cuius placet, delata duci regalia tradam,  
Vt Christi famulus, domino inservire paratus :  
Illiusque audens vestrum vngam nomine Regem,  
Sit precor in laudem eius, & utile Regno.

Sic ait, & simul assurgens Heroi recenti,  
Conversa que ad eum facie, cum denuo sedit,  
His illum verbis animans : dux inclyte, dixit,  
Quando volente Deo, cui regna, ac omnia subsunt,  
Hac hodie in sacra Rex confirmaberis æde,  
Fide, bonoque animo sis, nam qui munia tanta  
Providus iniunxit tibi, quovis tempore fidus  
Presto erit adiutor, tutorque pericula cuncta  
Dispellet, vincetque tibi, tecumque nitebit,  
Et per te bona queque dabit, doctrina salutis  
Per te florebit ditantem templa, scholasque  
Subsidio digno, per te solatia sancti  
Suscipient inopes, per te omnes pace fruemur,  
Liberaque excelsum fundemus ad æthera vota,  
Degemusque piam sine sollicitudine vitam.  
Hæc tibi curanti permulti protinus hostes  
Partim inconspicui, partim quoque sæpe videndi  
Pugnabunt, sanctumque tuum tardare studebunt

Propo



Propositum, sed fide Deo, tibi lucidus ille  
Perpetuo comes assistet, iungetq; ministros  
Æthereos, qui regna solent defendere, vimq;  
Frangere tartaream, cum Reges ostia Christo  
Pandunt, & pia tutelam per vota relinquunt:  
Id testante patet Daniele, id Rege Dauide.  
Tantum tu constante Deum celebrare voueto  
Proposito, iamq; ante Deum, qui miscet vbiq;  
Sese Christigenis ipsius nomine iunctis,  
Mentem iure tuam iurando pande fideli  
Quod verbum statuas eius, cultumq; tueri  
Scilicet, & miseris quoq; prompto occurrere iure,  
Sic vbi fatus erat docto grauis ore sacerdos,

Conticuere omnes, intentiq; ora tenebant.

Tandem Rex, digitis ad sacra volumina missis,

Iussus Dixit: Ego Fredericus ad hæc dignante vocatus  
randū Danica sceptrā Deo, corde, haud compulsus, alacri  
Regis, Christi Euangelium, qui nostræ est arra salutis,

Qui Regnum mihi solus, & hunc donauit honorem,

Testor, eiq; animo voueo, & promitto volenti,

Quo sim cœlesti gratus pro munere patri,

Exoluamq; pios iusta formidine ciues,

Me seruire Deo, sinceraq; verba paratum

Custodire, sacro quæ scripta volumine liquit:

Hucq; scholas, & templa suis ornare ministris,

Addereq; his facilem per iusta stipendia victum:

Ne Deus offensus tantis nos dotibus orbet,

Sed sermone suo nos omne gubernet in æuum,

Et flatu recreet sancto, faciatq; beatos.

Nec minus & pressos omnes releuare potentum

Iniusta



Iniusta satagam dextra, legesq; seueras  
Nullius intuitus faciem, vel munera cæca  
Semper habeboratas, ac, dum respublica poscet,  
Saluacq; iura sinent, pacis quoq; blanda tuebor  
Commoda, nec iusto procures, vllasue ministros  
Exuam honore suo per lati climata Regni ;  
Si Deus adfuerit mihi, presentemq; relinquet  
Hunc animum : studio certe nil tale patrabo.  
Si quando non sponte cadens deliquero ( labi  
Quippe hominis) veniã supplex te Christe precabor,  
Proposito ( nouit Deus ) aut petulante furore  
Nil contra sancta hæc tentans promissa notabor.  
Id Christum, Christi q; volens oracula testor :  
Ille iuuat, flatuq; suo me roboret almo.

Sic ait, & sacro dextram de codice mouit,  
Cum sese ad cellsum vertens altare sacerdos  
Inflexis genibus clara sic voce precatur :

Omnipotens æterne Deus te quesumus omnes  
Vnanimis, regna hæc septem subiecta trioni,  
Nostrumq; electum Regem ( en tibi sistimus illum )  
Clementer videas, & nobis largus egenis  
Munifica semper tua fundas munera dextra  
Per Christum dominum nostrum, nostrumq; patronũ.

Dixit, & excepit chorus omnis, & intulit : Amen.  
Tum bini pueri litaniam rite canebant,  
Respondente choro, donec pro Rege precandum  
His erat, id summus pronunciat ipse sacerdos,  
Et solito de more chorus respondet. Ea autem  
Cum puerorum esset sortita precatio finem,  
Sacrorum exurgit princeps heroa recuruis

F

Vnctus



vntio Vnturus nifum genibus, primumq; lacerta  
Regis Pollice, mox humeros diffuso lenit oliuo  
Regis, & id stillat crucis hæc in membra figuris.  
Tandem ita pauca refert, & sacra latentia pandit:  
Mos plane vetus est electos vngere Reges,  
Nec modo Iudeis, fed multis gentibus olim  
Notus erat, ficut pafim facra biblia monftrant.  
Vnde etiam Chrifto, quia Rex eft, vntio nomen  
Impofuit, diuinus eum qua fpiritus vnxit.  
Nec tamen hoc Regum fine ritu nullus vbiuis  
Legitime regnare potef, fed libera res eft:  
Non vetita illa tamen, vel condemnata fupernæ  
Voce Dei, at multis magis vtiles efle probatur  
Nominibus, quod nunc vobis exponere nitar.  
Namq; magiftratus hæc vntio fpectat ad omnes,  
Non tantum ad Regem, qui fupremo fulget honore  
Terrigenum: gladium vero quicunq; minifter  
Ciuilem gerit, hinc petat is documenta licebit.

Quid Primum, oleo quoniam leniri noftra videmus  
vntio Corpora, fuppreffoq; augeri in fronte dolore  
velit Læticiam, præfertim vbi fuauifragrat odore,  
Commonet haud dubie nos manfuetudinis illud,  
Læticiæq; piæ, quam nulla moleftia turbet,  
Vt Chriftus quoq; lætifico perfufus oliuo  
Ieffidæ canitur, nimirum pneumate fâncto,  
Quo fua clam reficit, cum furgunt credere, membra,  
Quid Quapropter lenitum oleo fragrante lacertum  
vntio Regibus, & cunctis, quibus eft diuinitus enfis  
brachij, Traditus, infinuat, leni vt pietate rigorem  
Iufticiæ moderentur, &, vt frenare fuperbos,  
Non



Non minus & miseris norint se parcere iussos,  
Sintq̃ suis patres, & eorum commoda querant,  
Sint re clementes ipsa, non nomine tantum,  
Sint patres viduis, pupillisq̃ omnibus æqui,  
Sint patroni inopum, sint & pro paupere plebe  
Solliciti, sint refugium, quos vrget egestas,  
Et vel subsidio, vel consilio omnibus adsint  
Supplicibus faciles, nullisq̃ insontibus obliint.

Quid humes rorum vinctio  
Hæc oleum tibi lætificum Rex inclyte signat,  
Brachia dum lenit: verum quid vterq̃ perunctus  
Vult humerus Regi & vitare videlicet iram  
Præcipitem, & lapsus placide portare suorum,  
Nec temere vlcisci sese monet: ipse repertam  
Vt Rex Christus ouem gestat, mitisq̃ redemptor  
Humani generis damnosa piacula tollit,  
Ignoscitq̃ reis, nec blasphemantibus vltor  
Seq̃, suumq̃ patrem, dum sancto parcere sistunt  
Spiritus, æterna furit implacabilis ira,  
Nec subito pænas læsus peccantibus infert.  
Hunc Regem æthereum Reges imitauer omnes  
Terrarum properent, & mansuetudine malint  
Vulnera, q̃ nimio populi sanare rigore,  
Subiectosq̃ humeris veluti gestare laborent  
Mitibus, adq̃ crucem simul & sua pectora firment,  
Principis exemplo cruce debellantis Auernum.  
Atq̃ hac proficient magis, hac ratione triumphos  
Instituent: nam qui tolerat, generosius hostes  
Ille suos domat, vt passus tenet æthera Christus.  
Perpauci sicca decedunt morte Tyranni:  
Sed Regum cantata thronum clementia munit:

F ij

Hanc



Hanc merito tibi laudamus, plebs flagitat omnis  
Hanc abs te, speratq; & spem compensat amore,  
Compensat votis, Deus ad te lumina flectat  
Caelitus, oro, tibiq; hæc in præcordia mittat,  
Talìa commemorat, pariterq; patentia mandat,  
Vt proceres heroa sua in tentoria ducant,  
Et vestimentis illum regalibus ornent  
Exutum ducis ante habitu, tunicaq; priori.  
Qui dum morigeri faciunt iniuncta ministri,  
Vestes ipse suas etiam commutat, & ornat  
Se casula, græcamq; canens hanc intonat odam:  
Kyrie Christe eleeson, eiq; adiungit, & hymnum  
Angelicum, quæ cum cantores excipientes  
Finierant, oremus ait, simul orat & ipse  
Clara voce canens: tete Deus alme precamur  
Cælestis pater, vt verbo, Flatuq; potenti  
Dona tui Nati magis agnoscamus, eorum  
Participes facti, & plene gustemus ouantes.  
Quin miseris etiam nobis id cede benignus,  
Sub nostro vt regnum pacatum Rege videntes  
Viuamus læti, & laudem tibi dicere prompti  
Per Christum sobolemq; tuam, nostrumq; patronum.  
Dixerat, excepit chorus omnis, & intulit: Amen.  
Inde ministrorum, qui iuxta altare parati  
Astant, ad populum sese alter vertit, hscq;  
Pauli verba legit quondam transmissa Bithynis,  
Quæ suadent nobis in Abrahæ credere semen,  
Quod testamenti rata sit promissio iure.  
Quæ tum lecta breui cantores carmine claudunt.  
Mox bini procerum deducunt rursus ad aram  
Heroa,



Heroa, ac genibus cum nititur ille, recedunt.  
Sacrorum interea princeps nudum accipit ensem  
Ipso ex altari, Regisq; imponere dextre  
progreditur, vaginam alio seruante ministro,  
Regemq; alloquitur simul, & iura ardua monstrat:  
Inclyte Rex hunc fulmineum tibi cælitus ensem  
Accipe concessum, neq; enim nos tradimus illum  
Iniussu seperum, non tanta homo futibus ausit:  
Sed Deus omnipotens, cui cæli sidera parent,  
Ille magistratum custodes ordinis armat,  
Vt fontes punire, bonos defendere possint.  
Ceum quondam Gedeona suo præcinxerat ense,  
Quo Madianitas deleret stirpitis ultor.  
Hinc quicumq; datum sibi vibrat lege mucronem,  
Vt Gedeon, inuictus trit, sterneretq; rebelles.  
Ne sibi confidat tamen, atq; hoc ense superbus  
Desuper exhibito properet petulanter abuti,  
Sed timeat, rogitetq; Deum sibi notus, & eius  
Espectet moderatus opem, præsitq; modeste,  
Lenitumq; oleo recolat fragrante lacerum,  
Quo gladium gerit, esse sibi, & quos induit armis  
Horrendis, humeros, adeoq; benigna rigorem  
Temperet, & nimiam clementia mitiget iram.  
Nec delinquentum cædes tantum, atq; cruorem  
Innuat hic gladius, sed poenas quolibet infert  
Sontibus ex merito, punitq; atrocius illos,  
Lenius hos, vt digna videt delicta patrantum.  
Legitimi quæcumq; igitur ferit ultio fontem  
Iusta Magistratus, sese diuinitus illic  
Puniri sciat ille, Deoq; obtemperet alto,

F iij

Iudicis



Iudicibusq; animo nihil irascente minetur.  
Iudicium siquidem domini est : male fungier illo  
Vos fugite o Reges, Nemesis ne iusta sequatur.

Talia dum praesul memorat, Rex tradidit ensem  
Marscalco exhibitum, quem condidit ille ministri  
Accepta manibus vagina, deindeq; rursus,  
Cum finem imposuit monitis, reddente, sacerdos,  
Marscalco, capit, & lateri illum Regis adaptat,  
Gestandumq; docet iussis a Rege supernis,  
Terreat vt prauos, animet defensio iustos.

Hic Rex exurgens transuersum leniter ensem  
Quattuor in plagas mundi vibrat, & cito rursus  
Vagina tegit, interea clamante Ministro :

Cernitis armatum nostrum diuinitus omnes

O populi Regem, quo vos tueatur amice :

Non aciem siquidem vobis obuertit, at expers

Scindendi latus, a vobis timor absit vt omnis.

Quaenq; sic dextra gladium tenet, vt cito vertat

Illius in fontes aciem, reprimatq; nocentes.

Hinc omnes, quicunq; hec intra regna beati

Sunt populi, latentur, ouent, pia carmina promant.

Nullus enim timeat, qui foeda piacula vitat.

Prauis terrori Rex est, sed premia iustis

Promittit, Paulo testante : timere recusas

Arma Magistratus; bene fac, laudemq; per illum

Nanciscere : Deo se quidem in tua commoda seruit.

Sin operare malum : treme : nam precingitur ense

Nequaenq; frustra, sed fontem vt puniat omnem.

Quippe Deo famulatur, vt ultor fontibus aequam

Infligat noxam, tollatq; ex orbe malignos.

Cogitet



Cogitet hæc populus, Rex hæc perpendat, & omnis  
Quæso Magistratus, domino quod seruiat, illic  
Officio studeat grato placuisse fidelis.

Hæc grauis vrgebat coram alto Rege sacerdos,  
Qui genibus rursus iam nititur, estq; paratus  
Vertice sublimi fuluam acceptare Coronam.  
Quam simul ex ara sumptam tulit ille, resedit,  
Seseq; ad Regni proceres conuertit, & inquit:

Eximij virtute viri, generose senatus  
Tradere me Regi vestro Diadema rogastis,  
En ego morigeror, sed nunc vos oro vicissim,  
Vt mecum cuncti fuluam apprensare coronam,  
Dum Regis capiti imponam, quicumq; potestis  
Non nimium semoti, & si qui forte nequitis  
Longinqui nimium, tamen & sudetis ad illam  
Extendisse manum, Regiq; imponere mecum  
Hoc Regale decus: vestri nam iuris (opinor)  
Vtileq; id regno est, vt latius inde docebo.

Sic ait, & surgens, Regni accurrente senatu,  
oro: Imposuit Regi, tali cum voce, Coronam:  
a R. Accipe de nostra Rex clementissime dextra  
l. im Fulgentem, Regni delati insigne, Coronam,  
onis Dante Deo tibi patre, fatoq; & pneumate sancto:  
r. Qui tibi det placidus, commissi vt munia Regni  
Fungaris quoq; iuste, vt te tua sacra monebunt,  
Nec minus & Regni indigenæ tua iussa sequantur.  
Faxit hoc omnipotens Deus, Amen dicite cuncti.

Dein monet Antistes paulum secedere rursus  
Vtrinq; astantes Proceres, spaciumq; videndi,  
Atq; auscultandi cupide concedere plebi.

Nec



De sceptrō, Nec mora, dat Regi in dextram rutulanti sceptrum  
Nisi ibi dum genibus coram ara, supplicis instar,  
Et simul hæc addit : Cape Rex hoc indycte sceptrum  
Præcipuum regni decus, ornatumq̃ Monarchæ.  
Nam leges, & iura notat, quibus omnia florent  
Cælitus exhibitis, quibus horrent regna negatis.  
Nam Christi sceptrum doctrina a vatibus eius  
Dicitur, emissumq̃ omnes cantatur in oras,  
Cum duodena Cohors pia dogmata sparsit in orbem.  
Sic leges Regum sceptrum Regale vocamus.  
Hoc sceptrum iniustos reprimat, releuetq̃ modestos :  
Legibus e sanctis contractus pendeat omnis :  
Legibus, & scripto dirimantur Codice lites,  
Vnicuiq̃ suum Regno ius, atq̃ statuta  
Patria, quæ cunctis rigide seruentur oportet.  
Nemo suum Cerebrum, nemo sibi visa sequatur  
Iuratus iudex, dum scriptæ dissona legi.  
Solut ab accepta decedere lege Tyrannus  
Ausit, & huic læsam præferre libidine mentem,  
Atq̃ animum cupidum damno satiare suorum :  
At Reges videant æquum, legesq̃ sequantur,  
Vt Iosaphat monet, atq̃ Dei se munere fungi  
Norint, atq̃ Deo rationem exinde daturos  
Gestari sceptri: timeant hunc ergo modesti,  
Cunctaq̃ sollicitè faciant, dominumq̃ sequentes  
Nullius iniusti personam, aut munera spectent.  
Iusticia solum Regi stabilitur eburnum,  
Et magis illa iuuat, q̃ virtus bellica, Regem,  
Quæ tamen ipsa iuuat quoq̃, donaturq̃ superne  
Cum gladio : gladius fuget hostes, atq̃ nocentes  
Repris



Reprimat, at sceptrum longe supereminet illi :  
Namq̃ in pace valet magis, & conducit amicis  
Regi morigeris, æquumq̃, bonumq̃ tuetur.

Dixerat, & rutulo sphæram quæ fulget ab auro  
Ma Mox læuæ imponit Regis, pergite loquendo:  
au. Postremo, en, malum regale, crucemq̃ notatam  
o. In malo ætheri tribuo tibi nomine Regis.

Hoc malum, quia formam imitatur totius orbis,  
Admonet ecce tui te Regni, vultq̃ tuorum  
Viueret te memorem, menti q̃ obuertere plæbem,  
Et veluti gestare manu, curareq̃ eorum  
Commoda sollicitum, grataq̃ inquirere pacis  
Munera : terra tibi subiecta, en, pingitur orbe  
Sidereos imitante globos, vt ab æthere quippe  
Stelligera cuncti tegimur, sic viuimus vni  
Nos hic inclusi sub te Rex inclyte Regno,  
Nos vnā efficimus tibi sphæram: hanc aspice semper  
Sollicito clemens oculo, gesta q̃ patronus.  
Vt Deus ipse etiam prædocte pingitur orbem  
Ferre manu, quoniam semper memor esse suorum  
Creditur, vt citius mater sua pignora linquat  
Natura domita, q̃ non amet ille renatos  
Christigenas, neq̃ querat ijs pacem, atq̃ salutem.  
Immo propheta etiam, quod, vti signacula, semper  
Nos gerat ille manu, verbis testatur apertis.  
Illius exemplum tu Rex imitere precamur,  
Quod vero cruce sphæra nitet, mortalia Christo  
Significat Regi crucifixo subdita sceptrum,  
Primumq̃ in cunctis querendum illius honorem,  
Atq̃ voluntatem sanctam eius vbiq̃ docendam

G

Per



Per populos, dandâque operam, quo sancta sequatur  
Doctrinam quoque vita, crucemque & sponte ferendam.

Finierat sacer Antistes referare loquendo  
Curuatis niso genibus mysteria Regi :  
Qui dein exurgens Marscalco tradidit ensen,  
At sceptrum, parti que insignia coetera Regni  
Dat, quibus iniunctum est, illa a prudente senatu  
Ante suum gestare Caput, Regemque preire.  
Sic sua per procures rursum tentoria ductus  
Accedit, magnumque duces heroa reponunt  
Sede sua, coramque ipso mansere ministri.  
Psalmos inde chorus binos canit, in quibus autor  
Psalmographus Regi foelicia queque precatur.  
Exin sacrorum princeps hec denuo plabi,  
Nobilibusque canens Regni sacra vincula munit :

Oratio  
de Co-  
rona. Eximii procures, plebsque omnis, danica pubes  
Sat fortasse hodie Regis de munere dixi,  
Deque ministrorum officio : sanctisque prophetis  
Testibus imperium Christo ciuile probari  
Conuici, ne plebs Regi parere negaret.  
Nunc tamen hoc ipsum repetam, dum sacra Corone  
Mystica nudabo, de qua sum pauca locutus  
Hactenus, atque id mirari vel iure potestis,  
Cur nam de gladio, sceptro, maloque disertus  
Ædendis fuerim, prope de diademate mutus  
Interea, quum presertim celebranda Corona  
Nomen huic acto dederit, famamque diei.  
Verum prudenter dilatum est hactenus illud,  
Clarius exacto iam possim ut dicere ritu.  
Nunc igitur, dum que lateant arcana Corone  
Regas



Regalis documenta canam, vos illa fauentes  
Auribus appositis, pronaq; addiscite mente.  
Principio, Regi subiectos, esse Coronam  
Constat: ut ipse suum decus, atq; Coronam  
Credentes vocat æthereo Rex missus olympo  
Christus: eūq; sequens, quos Christo adduxit ouantes,  
Paulus ait decorare caput sibi, ut aurea ferta.  
Nam vere, iudex qua Christus luce redibit,  
Quando sui accipiet mercedem quisq; laboris,  
Tum quoscunq; Deo quis adegit, habebit eisdem  
Ceu capiti impositam, si sit pius ipse, Coronam.  
Hec sit præsulibus cure, non flaccida mitra,  
Nobiliusq; pedum cœlestia dogmata iactent.  
Nam præsumunt Regno, non mundi, at spirituali  
Christi legati: sed qui civile gubernat  
Rex mundi imperium, populosq; mucrone tuetur,  
Vertice conspicuam recte gerit ille Coronam  
Signantem populos, quos ferro, ac iure gubernans  
Nomenq; eximij Regis, laudemq; meretur.

Gemma Magistratus omnes, ac stemmate cretos  
Nobilium pingit, plebeos innuit aurum.  
Quā pulchra est, quando manet integra tota, corona  
Decisumq; nihil perit auri, & nullus laspis  
Excidit: ornatus Rex foelicissimus illa.  
Si tamen & frustrum cadat auri, siue berillus  
Unicus, aut plures, nondum destructa Corona  
Prorsus erit, pars illa quidem foedabitur atro  
Conculcanda luto, sed adhuc dicenda Corona  
Vertice Regis erit, restaurabitq; ruinam.  
Nec minus & si qui de plebe resistere Regi,

G ij

Nobilis



Nobiliumue ausint ( alto Deus omen ab axe  
 Mitior auertat ) tandem ipsi clade peribunt  
 Horribili, natiq; gement, seriq; nepotes.  
Punit enim, ac delet vindex Deus ipse rebelles,  
 Rex autem docili mox pectore sanior inde  
 Consurget releuante Deo, munusq; superne  
 Commissum decorabit inexpugnabilis hosti,  
 Hosti, quem grauis ira Dei, & sibi conscia prau  
 Mens feriet, moestoq; trahet foetore sub orcum.  
 Cæsari vt Henrico quando impia bella Rodolphus  
 Consilio mouit pape, diuinitus ipse  
 priuatus dextra periuria testificant  
 Terrentiq; reum subit atrę limina mortis :  
 Victor at Henricus retinet concredita scepra.  
 Sic perit Absolomes quoq; patre tuente Coronam.  
 Deniq; sic omnes pereunt, qui dona laborant  
 Irrita dementi cælestia reddere cura.  
 Quę tamen hic minime spero euentura, nec ad rem  
 Exposui, sed erant monstranda arcana Corone.  
 Vos, precor, vnanimis capiti Diademata Regis  
 Imposita a vobis ipsis defendite cuncti :  
 Viuite foelices, concordēs crescite semper  
 Ipsi etiam, vestriq; extendite Regis honorem :  
 Sic bene quadrabit capiti sua grata Corona,  
 Sic Rex, sic populus, sic omnis & incola foelix,  
 Sic regnum florens erit, atq; immune pericli.  
 Si modo, quod sursum quoq; suadet aperta Corona,  
 Subsidiū simul æthereum, flatumq; sacratum  
 Rex, populusq; petent animo, condentq; fideli :  
 Siq; Deum veraq; fide, sanctoq; timore

Per



Perfusi sine fine colent, Christumq; sequentur,  
Et, spretis mundi illecebris, caelestia quærent,  
Vtq; decet, Christi admonitu meliora probabunt.  
Vt quondam formosa Ester, quam Persicus heros  
Reginam ex humili sibi conditione Darius  
Legerat, ac gemmis vestitam ornat, & auro:  
Deforis illa quidem Reginam vestibusegit,  
Et caput ornari fulua sibi passa Corona est,  
Quo Regni, Regisq; sui seruiret honori:  
Verum intus pia corda Deo super astra leuabat,  
Atq; libens vno sese oblectabat in illo,  
Sidereisq; bonis gustatis, omnia fluxa,  
Quæ vanus miratur homo, sapientior inde  
Spernebat facile, & pro sorde putabat olente,  
Frigidaq; ad præsens regnum, coeleste flagrabat.  
Tu quoq; Rex aude spretis terrestribus altum  
Cor offerre Deo, dumq; hoc fungere per artus  
Munere, dumq; insigne geres regale Coronam,  
Viue memor natum te sanguine fontis Adami,  
Quem tulit atra sequens mors poena, sed inde nouatis  
Per Christum restare nouum super æthere regnum:  
Mittat opem Deus ipse suam clementer egenti  
Desuper, oro, pater, natusq; & spiritus almus:  
Cui decus, & meritis sint cuncta in sæcula laudes.

Finierat, Regiq; data foelicia præsul  
Optabat dextra: tum raucas ædere voces  
Extemplo cepere tubæ, tunc organa pulsa  
Multifona æthereum Regi gratantur honorem:  
Teq; Deum laudamus, ei chorus accinit omnis,  
Cumq; choro alternos modulantur & organa versus.

G iij

In mes



In medio tamen Antistes canit vnus ad aram :  
 Saluum fac populum alme tuum Deus, idq; ministri  
 Confirmant, benedicq; tuis hæredibus, aiunt.  
 Porro, vbi finem habuit dictus cantoribus hymnus  
 Ille, & ei lætum successerat alleluia,  
 Rursus ibi sellam aggreditur, nactusq; volumen  
 Sacra Euangelij recitat Rex verba, micantem  
 Rite tenens dextra gladium, discitq; per illud  
 Irrita nequaquam reddi sua iura, sed inde  
 Firmari magis, vnde & factus alacrior ense  
 Tradito Euangelium simul, addictosq; tueri  
 Constituit populos, & Christi insistere iussis.  
 Lecto Euangelio cantantur symbola lætis  
 Inuictę fidei, & gratę pro tempore laudes.  
 Mox quoq; ( nam solito non facta est concio more,  
 Vt neq; coena, quia hæc elapsa haud consulit hora,  
 Phæbus enim celsus medium prope scanderat axem )  
 Ad sanctam Triadem canitur præfatio sacra:  
 Cui sanctus, sanctus, sanctus, chorus accinit omnis.  
 Tandem vbi sortita est tardum ceremonia finem,  
 Antistes canit hæc Deo per carmina grates:  
 Omipotens Deus æternos tibi panguis hymnos,  
 Qui nos collato recrearis munere tanto,  
 Teq; simul petimus, nostrę vt firmare vigorem  
 Digneris fidei, sanctiq; benignus amoris.  
 Insuper & Regem nostrum, populosq; colentes  
 Illius imperium clementi lumine cernas  
 Per Christum natumq; tuum, nostrumq; patronum.  
 Fiat, ait chorus: inde iterum conuersus is inquit :  
 Rex tibi cunctipotens benedicat, te tueatur,  
 Illustreret



Illustratq; sua facie, placidoq; favore  
Conspicuis, donetq; suę te munere pacis.

Fiat, & hic habili chorus addit gutture, fiat.

Subiungitq; orans: pacem da tempore nostro;

Nam sine te Deus o noster felicia nemo

Pro nobis, en, bella geret, te fidimus vno.

Tandem vbi facta quies, heroa ibi denuo p̄sul,

Vt grates pro pace data, bellisq; sopitis,

Exhorratur, agat domino, pacemq; precetur

Post quoq; frugiferam tribuendam coelitus ipsi.

Deinde sacros ritus hos, mentemq; altus eorum

Cogitet, & replicet sibi, nec tremat esse prophanos,

Illicitosq; p̄s, vt vulgus clamat ineptum.

Imprimis humili fugiat Rex pectore fastum,

Consciuis & proprii sibi ne sese efferat ortus,

Norit se, timeatq; Deum, qui tollit, & idem,

Quos visum est, premit: & pressis se p̄beat æquum:

Viuat sollicitus, neq; dum fortuna secunda est,

Lapsu committat facili, quod numinis iram

Accersat, p̄namq; ipsi, populoq; sequenti.

Trita terat celebris vestigia Regis lobi,

Qui, dum continuant hylares conuiuia Nati,

Anxius in pietate monensq; precansque laborat

Conseruare rudes, ne laxo corde timorem

Excutiant, teneramq; fidem per gaudia vana.

Rex plēbis curam gerat, & regat ipse vagantes

Iusticie custos: miseris pater omnibus adsit,

Nec, dum lætus aget conuiuia, Lazarus illi

Despiciatur inops: Exemplum luceat altum

Virtutis populo sublimi in sede locatus.

Præcis



Præcipue templis sit deditus, atq; lyceis:  
 Atq; ministerium conseruet amabile verbi.  
 Sic Deus æthereo sua munera largus ab axe  
 Poscenti adijciat, sic præmia magna reponet:  
 Puniet at prauos tandem, perdetq; Tyrannos  
 Sanguine pollutos in fontem, hostesq; sacrorum.  
 Quippe Magistratu fungenti haud eminus ille  
 Iustus adest, proprio nimirum in munere vindix,  
 Dissona si legi præstat, sin consona, tutor,  
 Conseruans iustos, eradicansq; malignos.  
 Talibus instructum monitis heroa sacerdos  
 Dimittit, precibusq; Deo commendat amicis.  
 Crompius inde statim prodit Marscalcus, & alto,  
 Spectanti populo grates agit, ore disertus.  
 Tum, versa ad plebem sella, consedit eadem  
 Denuo Rex, equitesq; auratos octo creauit.  
 Tandem, vbi nemo sibi fuit illum passus honorem  
 Amplius imponi, finitis omnibus, Heros,  
 Ecce, sacrum egreditur limen, gestatq; Coronam  
 Vertice iam fuluam celso, sceptrumq; verendum  
 Armata dextra, precinctus & ense micante:  
 Sed malum prefertur ei, quod fulget ab auro.  
 Sicq; ferocem flectit equum, latusq; plateas  
 Aurato tectus coelo, gemmisq; corusco  
 Peruehitur, sequiturq; ducem, procerumq; equitantem,  
 Nympharum quoque, quas ample vexere quadrigæ,  
 Magna cohors: tuba magnifico sonat incita cantu,  
 Tympana pulsanter, plectro organa suaue resultant,  
 Bombardæ pregrande sonant, & gaudia clamant,  
 Ipse ædes, ipsi silices quoque coelitus vinctum

Certas



Certatim Regem, cessatq; ad tecta fenestraq;  
 Dum transit, merito incurus dignantur honore.  
 Quin & par alta decurrit ab arce draconum  
 Horribile, igniuimocq; volans Regem ore salutat.  
 Taliaq; heroem decorant spectacula multa,  
 Donec, marmoream tandem susceptus in arcem,  
 Æthereis recreatus adit conuiuia donis,  
 Et, Procerum cum cætu, authori concinit hymnos.  
 Post triduum, cum iam conuiuia Regia magnis  
 Exhibita hospitibus finem accepere beatum,  
 Tunc etiam cupide dantur spectacula plebi.  
 Mane forum, iuxta quod curia publica fulget,  
 Cæruleo sublimis equo, & radiantibus armis  
 Cernitur ingressus Rex hastas frangere longas,  
 Et simul Augustus dux, & bellator Adolphus,  
 Atq; alij Regis comites virtute mouentur,  
 Dum preludit ibi tantum ad certamina iusta.  
 Verum, vbi de medio sol inclinabat olympo,  
 Sol, qui detentis totum imbribus, atq; serena  
 Fronte coronati spectauit Regis honorem,  
 Quicq; & iam spectator adest, & ab æthere lucet,  
 Ecce iterum sublimi heros tum prodit ab arce,  
 Stratoq; altus equo, gemmisque, auroque relucens,  
 Innumerosque inter procures, agilesque ministros  
 Procedens Amacense forum petit agmine magno.  
 Tota ibi concurrunt homines ex vrbe, videreq;  
 Inter se certant ( neq; vanum id iudico ) Regem :  
 Regis enim natura bonis inseuit amorem  
 Pectoribus, Regem nemo nisi noxius odit,  
Dum facit officium, neq; se per facta Tyrannum

H

Declas



Declarat, iusti solos odere Tyrannos,  
Si qui sunt in principibus, clarisque monarchis.  
Ergo ubi Rex noster, de quo spes omnibus ingens  
Affulget pietatis, adest, accurrimus ultro  
Spectatum, canimusque arcano pectore Christum,  
Qui nobis illum dedit, atque ardentibus ipsum  
Prosequimur trepidi votis, dum sæpe videmus  
Aligero huc illuc agilem volitare caballo,  
Flectique in gyros, & acutę cominus hastę  
Se quoque per plenos hastatum opponere cursus.  
Tu nequicquam audes illi concurrere Ransou,  
Namque prius detrusus equo cadis, atque triumphum  
Victus ei, populique applausum cedis orantis.  
Ut nec Iohannem, quę pridem gloria, Bildem  
Iam quoque suscepit, nam vicit Ruthius illum:  
Nulli adeo constans servat fortuna favorem.  
Verum ubi multa avidę spectacula talia plæbi  
Sunt ostensa, simul procures herosa sub arcem  
Ducunt marmoream fessi, & conuiuia cepta  
Continuant, neque nocte silent ibi publica lætis  
Gaudia principibus, verum tunc ecce Dracones  
Accensum igniuomos volitare per aera cernas.  
Crastina cum vero lux alto a sole recepta est,  
Quę Iouis illustri retinet sibi nomen ab astro,  
En, breuiata statim post prandia, structa theatra  
Purpureis pannis, nymphisque prementibus illos  
In veteri nituere foro, cui curia iuncta est:  
Atque ibi mox visi procures, & Danica pubes  
Comatis in equis, armisque nitentibus omnes  
Conspicui, tereti concurrere cominus hasta,

Frano



Frangereq; artifici, sociorum in corpore, dextra  
Vibratas tædas, laudemq;, decusq; referre.  
Nam quisquis plures hoc lusu fregerit hastas,  
Obtinet is victor palmam, applausumq; meretur.  
Rex itaq; innumeras confringere cernitur ipse,  
Cernitur Augustus simul, & Danouius heros  
Truncatas monstrare manu, dum meta recepta est.  
Atq; é nobilibus Regni quoq; frangere multi  
Conspiciuntur ibi multas, dum præpete cursu  
Hastatus preteruolat aduersarius, hastas,  
Vespere gemmatis decorandi hinc tempora fertis.

Tandem cum satis illa diu certamina finem  
Visa poposcerunt, aciem tum ductor Adolphus,  
Dux quoq; Iohannes, iunctusq; his Luccius vna  
Protinus iustituunt, & prælia ludicra miscent,  
Atq; iubent plænis inflari classica buccis.  
Tunc ibi conspicias heroas viribus vti.  
Dextraq; artifici radians infligere ferrum,  
Et gladios arcere truces, atq; ensibus enses  
Inferere, & sonitum percusso reddere ferro,  
Dum varia nunc hos, nunc illos arte lacessunt.

Talia per plures spectacula Regia nobis  
Durauere dies, at nunc mea fessa Thalia  
Finem amat, atq; alijs alia hinc memoranda relinquam  
Vatibus, hæc varijs qui mirabuntur in oris.  
Te, precor, o Regum decus, vt Rex autor olympi  
Conseruetq;, regatq; diu, tibi subiuget hostes  
Tartareos victor, te mundi fraudibus atris,  
Carnisq; illecebris exemptum lucida Christi  
Sceptra videre sinat clemens, eademq; vereri.

H ij

Tu



Tu nobis, velut arbor, eas, quæ vitrea propter  
Flumina succrescit folijs, fructuq; decora,  
Quæq; suos late diducit in aere ramos,  
Possit vti gratam cunctis animantibus vmbra  
Felsis a sese, & victum præbere cupitum,  
Cum malesuada fames, & amor grauis vrget edendi.  
Namq; hac laudatum depingit imagine Regem  
Fatidicus Daniel, populo quasi præbeat vmbra,  
Dum fert subdium bonus, & victum almus egenis.  
Pastor ita & celebri populorum dictus Homero est,  
Dñ quoq; psalmographo Reges a Rege vocantur,  
Quando Dei præsent subiectæ nomine plebi.  
Suauiloquo a Xenophonte bonus pater esse iubetur,  
Qui princeps audire bonus, non improbus, ambit.  
A patre tutelam soboles expectat, & omne  
Vitæ subsidium fidenti postulat ore.  
Nos quoq; pauperibus te Rex fore credimus æquum;  
Nos per sidereum docto præcordia flatum  
Agnita speramus tibi Christi membra futura,  
Teq; illis placidum fore, non foetentibus hircis,  
Qui tumidi pergunt mundo petulanter abuti,  
Verum ouibus Christi, coniunctū his indole sancta,  
Præstaturum animo semper bona quæq; paterno.  
Sicut aues vnā volitare videmus, eadem  
Quas ornant plumæ; sicut sua cuiq; fouetur,  
Palpaturq; caro, teq; ipsum haud oderis vnq;  
Sic iustus iustos amat & iuuisse laborat,  
Ceu sua membra, licet capitis vilissima Christi  
Foedat eos facies, nam Christum agnoscere gaudent  
Et crucifixum in ihs; verum hos odere prophani,

Mun



Mundanosq; sui similes rapiuntur amare,  
Mundanis temere largi sua cuncta profundunt,  
Amplaq; ad inuisum superis dant munera fastum.  
Tu vero Frederice, pio qui patre nitescis,  
Laudatoq; satus maiorum stemmate, magnam  
Spem largire tuis veræ pietatis, & almæ  
Iusticiæ, faxit Deus, alto cælitus igni  
Diffuso, hanc etiam de te superare vouentum  
Spem possis hominum, sanctumq; æquare parentem.

Hæc ego de sceptro, cum gens Ditmarsica faustis  
Auspicijs a Rege nouo repressa domatur,  
Haphniaca cecini grata otia nactus in vrbe,  
Meq; simul patriq; & Nato ostendere gratum  
Hospiti memor, & Danorum extendere laudes  
Pieridum studui per munera sacra sororum,  
Teq; dati cantare Deus pro Regis honore  
Teq; rogare, iuues vt Regem, nosq; per illum  
In vera pietate fauens, & pace gubernes,

Finis.

H iij

Psalms




PSALMVS XX.

In quo suauissime pro Rege suo Deum  
inuocare populus introducitur.


Versu glyconico, & asclepias  
deō redditus.

Moestum te Deus audiat,  
Afflictumq; iuuat, deq; suo tibi  
Cælo fidus opem ferat,  
Grata & pinguis ei victima sit tua ;  
Cumq; in tristibus anxie  
Perturbatus eum cladibus inuocas,  
Cordi sat faciat tuo,  
Nec non consilium promoueat tuum.  
Te nos incolumi simul  
Exultabimus, & propitio Deo  
Læti signa locabimus ;  
Quare cuncta, precor, vota tua, impleat.  
Nunc agnosco, suo pius  
Quod Christo dominus præsidium tulit,  
Suscepitq; throno e suo,  
Robustaq; volens iuuat eum manu.  
Sunt, qui curribus, & feris  
Innituntur equis : Nos at in vnico  
Spem fixisse iuuat Deo.  
Vnde &, quando cohors illa ferox cadet,  
Nos perstabimus hostium  
Victores. placitum quæso pater iuua  
Regem, nostraq; sentiat  
Lætus vota, tuam cum petimus manum.  
A M E N.  
Deo            Laus,





















MARRY LARSEN